

LEKGETHO LA DINYEHELO



Ke eng?

Nyehelo ke tlohelo efe kapa efe e iketsahallang feela (mahala ntle le tefiso) ya thepa ho kenyeleditswe le tlohelo feela kapa ho se sebediswe ha tokelo. Ebang motho (moamohedi wa nyehelo) ya fumanang nyehelo o fana ka ho hong, seo ha se nyehelo.

Nyehelo e qala ho sebetsa ha tsohle tse mabapi le molao tse mabapi le nyehelo ya makgonthe di se di ikobetse (karolo ya 55(3)).

Sekgahla sa Lekgetho la Dinyehelo

Bakeng sa kgwedi ya Hlakola 2018 le dikgwedi tse tlileng pejana, ke sekgahla se bataletseng sa 20%. Ho tloha ka la 1 Tlhakubele 2018, lekgetho la dinyehelo le lefiswa ho latela sekgahla sa 20% hodima bokaofela ba boleng ba thepa e sa feteng R30 million, mme ka sekgahla sa 25% hodima boleng bo sa feteng R30 million ([karolo ya 64\(1\)](#)). Hlokomela tse latelang –

- ho fumana moedi wa R30 million, bokaofela ba boleng ba thepa e nyehetsweng bo qala ho tloha ka la 1 Tlhakubele 2018 ho fihlela ka letsatsi la jwale la nyehelo. Dinyehelo dife kapa dife tse entsweng pele ho la 1 Tlhakubele 2018 di ke ke tsa natswa;
- bokaofela ba boleng ba thepa ho fumana moedi wa R30 million bo sebetswa ka mora ho hula ho se amehe hofe kapa hofe (s56);
- moo monyehedi a fetileng moedi wa R30 million, dinyehelo tsohle tse latelang di tla lefiswa lekgetho ka sekgahla sa 25%.

Tse sa ameheng

Ho na le mekgahlelo e mene (4) ya ho se amehe -

- **Mokgahlelo wa pele** - Dinyehelo tse itseng ha di angwe hohang ke lekgetho la dinyehelo. Mohlala, nyehelo e entsweng ke molekane; mokgatlo wa setjhaba o tijaetsweng monwana; boemo bofe kapa bofe ba mmuso; e hlakolwang dikgweding tse tshelala (6) ho tloha mohla letsatsi leo e qadileng ka lona; jwalo-jwalo (karolo ya 56(1)).
- **Mokgahlelo wa bobedi** - Moo monyehedi eo e seng motho ka tlhaho (mohlala, dikhampani le ditherasete), ho se amehe ho fella hodima dimpho tse sa feteng R10 000 ka selemo ka seng sa hlahlobo (karolo ya 56(2)(a)).
- **Mokgahlelo wa boraro** - R100 000 ya pele ya ntlo/thepa eo ho nehelanweng ka yona selemong ka seng sa hlahlobo ke motho ka tlhaho ha e angwe ke lekgetho la dinyehelo (karolo ya 56(2)(b)). R100 000 ya pele ya ntlo/thepa eo ho nehelanweng ka yona selemo ka seng ke motho ka tlhaho ha e angwe ke lekgetho la dinyehelo (karolo ya 56(2)(b)).
- **Mokgahlelo wa bone** - Tse boelang di una molemo wa ho se angwe ke lekgetho la dinyehelo ke kabelo ya makgonthe e etswang ke monyehedi mabapi le tlhokomelo ya motho ofe kapa

ofe. Ho se amehe hona ho na le moedi ho latela seo Khomeshenara a nkang e le se utlwahalang (karolo ya 56(2)(c)).

Ke mang ya jarang boikarabelo ba lekgetho la dinyehelo?

Lekgetho la dinyehelo le sebetsa ho motho ofe kapa ofe (mohlala: motho ka bonnotshi, khampani kapa therasete) eo e leng **moahi**. Kahoo, bao e seng baahi ha ba jare boikarabelo ba lekgetho la dinyehelo.

Motho ya etsang nyehelo (monyehedi) o jara boikarabelo ba lekgetho la dinyehelo, le ha ho le jwalo ebang monyehedi a hloleha ho lefa lekgetho ka nako eo a e behetsweng, monyehedi le moamohedi wa nyehelo ka kopanelo le ka bonngwe ba jara boikarabelo ba lekgetho (karolo ya 59).

Ka nako efe kapa efe Khomeshenara a ka ba le hlahlobo hodima monyehedi kapa moamohedi wa yona (kapa ka bobedi) bakeng sa lekgetho la dinyehelo. Le ho akaretsa moo Khomeshenara a ikgotsofaditseng hore ha ho a leshwa bokaalo bo tletseng ba lekgetho la nyehelo, mme ka hona a etse hore ho be le hlahlobo bakeng sa kgaello eo. Tefo ka monyehedi kapa moamohedi wa yona e tla etsa hore boikarabelo bona ba bona ba kopanelo bo qale (karolo ya 60(5)).

Ke tlameha ho nka mehato efe?

Ka mora ho etsa nyehelo o lokela ho tlatsa foromo ya kgutliso ya lekgetho la dinyehelo ([Foromo ya IT144 - Tsebahatso ka monyehedi / moamohedi wa nyehelo](#)) mme o e romele lekaleng la hao le haufi la SARS mmoho le bopaki ba tefo ya hao. Ditefo tsa Lekgetho la Dinyehelo di tlameha ho etswa ka eFiling.

E lokela ho leshwa neng?

Lekgetho la dinyehelo le tlameha ho leshwa mafelong a kgwedi e latelang kgwedi eo nyehelo e qalang ho sebetsa ka yona kapa ho latela nako e nngwe e jwalo e teletsana ho ya ka moo SARS e ka dumellang ka teng (karolo ya 60(1)).

Ebe Lekgetho la Dinyehelo le sebetsa jwang ho tse mabapi le bojalefa? [Tobetsa mona ho fumana lesedi le fetang lena.](#)